

蘭谿縣志卷七

禮俗志

禮儀

風俗

歲時

周禮八則六曰禮俗以馭其民俗既異宜禮亦異尚
禮固民之所自為也而先之以在官禮儀者示民以
準為教訓正俗之本也况鄉飲講約之有關於風教
乎蘭邑冠婚喪祭猶存古意歲時伏臘各仍土風不
必變禮以從俗要在通俗以合禮化導有方則轉移
自速耳故采其風輯其事以資考鏡焉志禮俗

禮儀

年旦冬至

蘭谿縣志

卷七

禮儀

萬壽節

順治二年定元旦節文武官俱朝服前後七日十五年
定上元節各官俱朝服前後三日不理刑名不辦事雍

萬壽節

照元旦節至期恭設香案望
闕行三跪九叩首禮

開讀詔書

順治十一年定凡遇

詔書

至文武官員具龍亭彩輿儀仗鼓樂出郊迎接北向行

三跪九叩首禮鼓樂前導隨龍亭至衙門外交武分東
西俯伏候至公庭中眾官排班
行三跪九叩首禮齊詔生捧

詔書

宣讀生詣案開讀眾官跪聽畢齊生捧
詔書置龍亭中眾官行三跪九叩首禮畢皆退膳黃頌行凡

迎春

每歲迎春東郊先期造春牛芒神前一日各官常服
用鼓吹彩亭迎至縣門外土牛南向芒神東西向至

日陳設香燭酒果各官具朝服行一跪三叩首禮奠酒
三爵復行一跪三叩首禮身土牛芒神至東郊各官

彩杖環立樂工擊鼓各

官環擊土牛三禮畢退
救護日月食 凡遇日食各官俱集縣堂設香案於露臺初

鳴食甚行禮同復圓鼓聲止復行三跪
九叩首禮禮畢退其月食救護儀同

鄉飲酒禮 每歲孟春之望孟冬之朔官行於學宮以知縣

有德者為賓其次為介次為賓又選有德者一人為

司正今以教諭為之二人通文字者講讀律誥今以

生員為之 前一日執事者設位於明倫堂宰牲具饌

至期主人及僚屬肅賓於庠門外賓至主揖賓而入至

中門又揖而入三揖至階三讓而後升堂東西相向再

拜主賓以下各就席司正揚解主賓以下皆立司正舉

酒揖眾賓而言曰恭惟 朝廷率由舊章舉行鄉飲非

為酒食凡我長幼各相勸勉為臣盡忠為子盡孝長幼

有序兄弟友恭內睦宗族外和鄉里毋或廢墜以忝所

生乃飲酒授觶又揖而退主賓以下皆坐執事者設

律詔案於堂之中主賓以下皆拱立禮生展讀律詔

訖乃揖而退主賓以下皆坐執事者具饌酒三行湯畢

蘭谿縣志 卷七 禮儀

二

龍

主酌酒獻賓再拜而退賓酌酒酬主亦再拜而退執事
者由介三賓眾賓以下以次斟酒於席各飲訖供湯三
品畢徹饌主賓以下皆起東西
相向再拜送賓仍三揖而出

講約 凡朔望日各官及鄉紳
士庶眾集鄉約所恭設
龍牌南向設講案北向眾官及鄉紳士行三跪九叩首禮
畢鄉約登臺宣講各官及鄉紳分東西席地坐聽講士
民階下立聽其各鄉
村或教職親往集講

風俗

前志云蘭邑古今風俗凡幾變矣其在上古僻處荒服故

漢志言其好劍輕死文身斷髮以避蛟龍之害降及中世

風氣滯開文教聿興故隋志稱君子尚禮庸庶敦龐而諸

志有謂其性柔慧輕躁少信好淫祀尚浮屠急進取善圖

利者則雖變而猶未善也迨宋南渡中原文物之漸漬諸
賢道學之講明然後蔚然文獻有一鄉而三八行者有一
巷而兩賢良者有一門而五高者至以科第宦業文行知
名非祖父子孫之濟美則親從昆弟之聯芳故氣習淳厚
著於洪志反樸向方載於續志習尚忠厚公論坦明見於
王魯齋之文則當時風俗蓋丕變而幾於道矣自明以來
男勤生業鮮馳狗馬女事紡績不出閨門豐以延賓嗇於
奉已慶弔禮尚往來婚嫁擇先門第此其俗之善可稱也
居市井者多夸詐處田里者或粗鄙趨利名而好鬪訟強
凌弱而富侵貧滄女以懼乏資裝男分而競爭家產婚失

蘭谿縣志

卷七 風俗

三

其禮故或輕諾而致訟或論財而鬻婚喪失其禮故厚實
筵崇佛事而忘哀惑風水久停厝而不葬此其俗之最漓
者也爲政者能因俗而施教焉道德齊禮旌別淑慝樹之
風聲則變齊變魯之機在上而民俗有不復古者哉

今按邑民爲業不一有業農者有業工者遠而業商者
近而業賈者外此醫巫星卜大率攻苦以圖生養而業
儒爲士者向不出數十名族近則草茅誦習比比皆然
風俗之醇是又

聖朝久道化成之效也

歲時

元旦 凡長幼男女 起易冠笄盛服設香燭茶果焚香

次序長幼旋拜親朋投刺相賀暫

立春 前期邑宰率僚屬迎春於東郊鋪行及

元宵 望前後市民各懸燈於門首燈名不一頗崇工巧或

迎本境廟神於其家而祭賽焉祭畢邀同社宴飲為樂

行於街市者

正月二十日 邑之下市有仁惠廟俗傳是日為神誕日衆

為祝及作優伶諸戲食湯餅而歸

二月二日 俗傳是日為城隍神生日合市人先一日結綵

遊於街市亦作龍山設齋斛令僧道誦經廟中焚香羅拜倩優作戲食湯餅焉

蘭谿縣志 卷七 歲時 四

清明 人家插柳祭掃先墓邑令祭厲壇

三月十五日 邑之上市有忠祐廟俗傳是日為廟神生日衆作龍山等項與二月二日同

四月八日 各寺僧浴佛民家為黑糯黍成糕以相餽

端陽 家飲菖蒲酒插艾製角黍瀆溪諸處作龍舟競渡以消災沴云

中元 素食祀先俗傳做釋氏孟蘭盆之薦

七月二十四日 邑有東嶽廟舊傳謂嘉應侯小張元帥之廟號令人鳴鑼三日至期童男女往

廟銷號或父兄率之名曰孩童會

中秋 餅作月

重陽 作糕亦有效桓景登高者

冬至 先夕各設酒殺以祀其先至日官府士夫相賀亦預送節禮士民則否至日有祠廟者祭其祖宗

除夕先二十四日祀竈二十五日食赤豆飯號曰辟瘟掃
塵潔宇逼歲旬內各以糕果葷酒相餽遺或以酒食
分歲除夕燔柴於盆響爆竹換桃符易
春帖簫鼓徹更骨肉團聚以守歲云